

地310.79
42
26



張良得
二十九
蒲月置



德化縣志藝文志目錄

詩

自鼎谷移竹種義學

陳應奎

紀瑞

全上

龍澗紀勝

王必昌

密工

鄭兼才

留別燉煌士民

蘇履吉

留別武陽士民

全上

芝草

黃鳳儀

六月廿九日大風雨

黃鳳儀

往後宅有感

斌敏

自咏

蘇如蘭

讀詩有會而作

全上

德化縣志

卷十六

藝文目錄

和林伯子天下無山高戴雲歌

張士賓

甕谷觀大小龍湫

李鼎

溫泉

顏克宗

戴雲山頂觀九溪分派而下

陳天寵

瓊山吟

魯鼎梅

長歌示義學諸生

全上

纂修邑乘告成效柏梁體

示許徐二生

吉夢熊

遊鼎仙巖歌

連步青

登駕雲亭懷古

郭鳴高

燉煌署中作

蘇履吉

碾麥歌

全上

種番薯歌

連士荃



黃忠端公孝經墨蹟爲賴子瑩孝廉作

去婦詞

黃鳳儀
黃鳳儀

望戴雲山雲氣

仝上

海氛

仝上

昭忠祠

郭德冲

禽言一 三首

黃鳳儀

禽言二 七首

鄭祥

登金城山六絕句

謝青鍾

閒居

顏仁郁

諭農

仝上

龍潯八景

殷式訓

滄溪卽景 二首

鄭惠琇

雲亭春望

林敏

德化縣志

卷十六

藝文目錄

二

登駕雲亭望雨 二首

鄭秉鈞

丁水晴波

出夢鯉

繡屏積翠

仝上

續紵謠 六首

趙睿榮

龍潯竹枝詞 十八首

連士荃

芙蓉蘸筆寫美人

謝鳳姝

潯堤夜坐望駕雲峯

林汪遠

宿程田寺

鄭暹

攀龍橋初曙

林德龍

九日集西華室

曾晉

九日西華室和韻

蕭國琦

紡綿

蘇如蘭

小春梅信

金麗澤

嘉禾

和范明府咏嘉禾一

范正輅

和范明府咏嘉禾二

蕭弘樑

雨後漚溪曉行

陳錫華

龍溇山迴文

章錫

章公墓

王必昌

程田寺訪棲蓮上人

劉世賡

程田寺步月觀蓮

曾西元

觀東郊迎春

仝上

龍溇春曉

蔡文澧

郊行漫興

陳鳳鳴

陪刺史鄭公登駕雲亭

胡應魁

庚子秋感

九首

江雲霆

黃鳳儀

德化縣志

卷十六

藝文目錄

三

和賴子瑩陪王月船州牧郭鴻羽
盛州摘藻樓觀稼原韵四首

有感

二首

黃鳳儀

仝上

題陳統軍廟

二首

仝上

無題

謝鳳姝

織羅咏

蘇如蘭

賦

聖主詣雍勸學賦

鄧啓元

龍溇賦

魯鼎梅

丁溪賦

連步青

序

戴雲山志序

楊文正

九仙山志序

仝上

又

張士賓

贈縣尉晴寰林君遷烏山巡宰敘

郭維翰

巖遊紀咏序

仝上

修城隍廟序

王寵受

倡修學宮序

和鹽鼎

重建儒學公署序

仝上

南郊憩亭序

李道泰

修鳴鳳龍津二橋序

陳應奎

重募建雲龍橋序

金鼎錫

勸助故縣令梁公賻儀序

劉靖

圖南課藝序

劉毓珍

又

魯鼎梅

重建教諭署勸捐序

仝上

嚮草序

李道泰

德化縣志

卷十六

藝文目錄

四

剩園四草序

李道泰

塵松詩話序

李鼎

半吟集序

鄭超鳳

跋

戴雲山志跋

黃文炤

圖南課藝跋

鄭惠琇

先儒漳浦黃子獄中手書八分孝經跋

賴其瑛

記

重建譙樓記

張紱

惠政有成記

邵經邦

射圃記

許仁

駕雲亭記

王慎中

丁溪書院記

鄭普

築城記

陳石

平寇碑記

黃養蒙

改建學宮記

秦霑

開南門記

莊國貞

半閒亭記

張士賓

始建獅霄塔記

蔣德璟

獅峯書院記

江雲霆

捐鏹置田記

郭鳴高

崇義祠記

陳煦

碑文

郡別駕聞人公署篆德政碑

丁啓濬

丁公生祠碑

何喬遠

姚侯生祠碑

郭維翰

德化縣志

卷十六

藝文目錄

五

王侯去思碑

賴垓

崔侯德政碑

仝上

范侯德政碑

陳應奎

疏

請除選拔積弊疏

郭鳴高

書

上汪制軍論下游民風吏治書

鄭兼才

雜體

筆說

鄭兼才

墨說

仝上

硯說

仝上

題岳忠武與李忠定手札真跡

仝上

雜說二則

賴其瑛

重修文廟啓

力子侗

圖南書院勸學箴

鄭惠琇

心慈嶺觀音頌

李道泰

擬司馬君實五規

保業 惜時 遠謀
重微 務實

鄭兼才

草陋規示

王一導

勸種二麥示

魯鼎梅

又

仝上

又

仝上

勸諭十條

仝上

觀風告示

管辰戾

上王邑侯之紀請禁鬻塚賣妻狀

謝青鍾

上白邑侯希李請禁毒藥取魚稟

郭尙品

德化縣誌

卷十六

藝文目錄

六

德化縣志卷之十六

藝文志上

詩賦
序跋

下

碑文
雜體
疏

文以載道言為心聲古今文人其得之心而筆於書者美則愛愛則傳雖歷千百年而不壞韓文公所謂李杜文章在光燄萬丈長也夫不朽有三立言其一德邑詞人自昔稱盛清辭麗句已散見山川古蹟巖寺諸志復擇其辭之工而有關名教者登之志藝文

詩

自鼎谷移竹種莪學

邑舉人

陳應奎

昔人曾有言惟俗不可醫何以醫此俗讀書為最宜又聞昔人言無竹令人俗欲存此兩說讀書兼種竹奈何讀書人胸中萬斛塵會須先脫俗讀書方有神會須先種竹方不與俗親我家遠城市茹舍絕四鄰與竹結素友莫逆二十春比者多契闊舍舊圖其新面目非本來步趨亦逡巡儼然稱先生垢汗滿衣巾呼僮告此君今日是良辰移來列後圃相對得所因徙石坐伊唔

德化縣志

卷十六

藝文 詩

一

蕭蕭謝俗賓何處招王子造門與細論

紀瑞

陳應奎

康熙二十八年邑中禾一莖兩穗或三四穗縣麻中植蘭葉中挺其幹開花並蒂西園落酥一帶四實邑侯范公載瞻繪圖紀瑞余亦詠詩以紀之

亭毒鼓太和仁風噓萬類大化契天心植物解其意綠野蔚垂雲黃金瀾平地忽爾見西疇同莖生數穗有似一乳中伯仲相次第貫珠佩瑛珞交鬚復舒臂合穎未為多兩岐豈足異况以幽谷姿飲德欲清粹雙蝶翅迴翔兩乳尾相比居然紉佩間挺為王者瑞落蘇紫離離駢合似列駟元苞羅陰陽四象自位置夫子治園蔬淡泊以明志隱寓造物功栽培同所蒔伊昔中牟宰報政稱三異較此孰為優前後寧殊致聖世協休徵禎祥在撫字入告繪斯圖青史留勝事

龍潯紀勝

邑進士

王必昌

閩邦開土宇宋室盛斯文申畫成天險丁溪辨地垠半山環雉堞三市傍溪濱社以層巒隔村因絕壑分衣冠崇簡素草木吐清芬嵐鬱晴疑雨嶂高暮

帶曠石泉資灌溉巖阜藉耕耘有路惟通鳥無風不說雲洞幽佛藏蛻林窈
鹿爲羣沕穆風猶古確磽力尙勤百年聲教洽八里詠歌聞龍鳳得名勝簪
毫紀瑞氛

審工

邑無元 鄭兼才

百世無閒人兩間無棄土工習埏埴勞驅槩供器鮪俯穿地軸深中自闢巖
戶飛墜險臨淵慣若遊洞府大兒手鋤立力鑿身佝僂小兒負畚行貌赤日
停午初如金脫鑛地利恣所取繼如金在鎔火氣遂騰鼓巧製象前民河濱
不苦窳中膊復中懸考工記可補在昔周陶正神明溯遺軌萬室幸殷繁器
用利可恃上以當官租下以養妻子豈不知苦辛竭蹶良有以長安有利塲
三楚更華靡平生用機關智盡利亦燬不妨作勞人食力守故里下嶺如飛
騎上嶺如行蟻駢肩集市門堆積羣峯起一朝海舶來順流價倍蓰不怕生
計窮但願通潮水

留別燉煌士民

邑拔貢 蘇履吉

德化縣誌

卷十六 藝文 詩

古來爲宦者患在不自知新官初至日舊官將去時誰興來暮歌誰泐去思
碑古人如可作此語非我欺憶我來茲土剛是一年期我民無犯法法在有
等差我民有待澤澤及無或遺二者皆吾勉未必無偏私嘉哉我士民古風
尙可追士習略淳樸民俗近恬熙輿情視所感責在官所爲顧我一書生十
載蒞邊陲循聲非敢望終歲累奔馳春風度玉關夏雨車相隨秋霜及冬日
威愛宜並施誰謂一年中不足言撫綏所愧親民官官與民相離未聞爲父
母不自愛其兒未聞爲赤子不以母是依但願吾父老持此告庭幃人生重
孝弟百行爲首推從此施于政家國無異宜士民聽我語治人先自治耕讀
安本分舉動循矩規所戒在多事好訟逞虛詞勿以身試法私冀長官慈新
官父母來我去從此辭匪徒爲爾言吾亦凜在茲

留別武陽士民

蘇履吉

爲民父母官視民皆赤子民亦具天良動以父母比顧我此番來撫字情難
已知法不知恩此語從何起勸爾讀書人衣冠嚴視履勸爾耕田人手足勤

舉趾勸爾工與商生計莫廢弛爾各有身家修齊爲正始堂上幸逮存朝夕
奉甘旨弟兄念同根歡眠姜家被夫妻重齊眉相敬肅綱紀孫子繞庭除儉
勤戒奢靡更有姻族親和睦式閭里末俗漸澆漓百端逞奇詭小忿輒鬪爭
那管人生死構訟來公庭曲直憑片紙聽斷雖如神豈敢得情喜矧爾健訟
兒出頭雙膝跪刑罰有科條莫以符足恃是爾不愛身非官不愛士縱得邀
恩寬終難逃詎指曷哉我士民責人先責己勿自啓弊端勿自甘匪否飲博
莫效尤作事貴循理賦稅早輸將追呼免聒耳處世守和平持身顧廉恥咸
勉爲良民風俗臻淳美我去從此辭恩不及毛裏父母舊復來前任王若泉
近奉檄回任當更
歌孔邇爲問父母誰望望慚予企

芝草

邑人黃鳳儀

有客晨叩門手携芝草至云采自山中此物固珍貴靈草聞無根陰陽積和
氣君應善鑒別試爲考傳記我聞宋祥符粉飾喜嘉瑞大官廣搜求小臣爭
獻媚深巖窮谷中奔走屢顛躓上下相蔽蒙造作雜眞僞芝生於其間不脛

德化縣誌

卷十六 藝文 詩

三

千里致今出荒山陬乃同菅蒯棄草木復何心詎必矜寵異識者竟無人毋
乃遇不值豈知古先王菽粟爲眞味重穎頌嘉禾兩岐歌麥穗太平有休徵
朝野樂豐歲金玉不足珍矧此又已細眞贗何足辨一笑當棄置

六月廿九日大風雨

黃鳳儀

黑雲如山頽烈風如弩勁草木挾秋聲天地忽晝暝我登百尺樓看此風雨
橫簷鐵刀鎗鳴城頭笳鼓競如從壁上觀股慄立不正是時大火流葶收方
執柄肅殺抑何嚴師伯凜號令似懲炎酷威欲以一戰勝中宵怒未休喧厓
駭聞聽屋漏何處乾墮瓦破釜甑突然萬變滅天色復澄淨太空本無迹江
水明如鏡回思勢暴時甫覺驚魂定

往後宅有感

知縣 斌 敏

去時雨迎風歸來風送雨一月風雨中往來劇辛苦辛苦所不辭於政竟何
補撫字愧無方不教罹罪罟悍卒很如狼苛政猛於虎烈火焚崑岡頃刻變
焦土忘身以救之斯民我爲主昨朝馬首東今茲復西顧秧田春水滿麥隴

黃雲布野鳥時一鳴山花欲全吐牧童坐磐石兀傲晚官府棕衣既飄然臺
笠制甚古見我狼狽狀一笑掌欲舞默默肩輿中憂患迫肺腑何如解組歸
還復事農畝

自咏

邑名媛蘇如蘭

昔余好讀書賦質奈愚魯實惟先生嚴簡編明訓詰往返得從兄齋居肆循
矩嘆非男子軀雖誦難終古二七侍慈幃慙學織組年來機上忙尺寸不
勝數爲作嫁衣裳深閨未出戶養女一何歡僕僕勞恃怙裙襖計終身豈不
實艱苦弟昆繞膝前喜看萊衣舞自分薄孤顏那堪費布縷顧我雙親憐□
箱任環堵凄怨此雁行難得幾時聚幽恨鎖蛾眉望斷橫陽浦春色可人情
看花入後圃非敢效停針願繡鴛鴦譜

讀詩有會而作

蘇如蘭

詩首關雎咏令人溯河洲端惟窈窕女足以興姬周鵲巢御百兩欣覩居維
鳩標梅方實七迨吉願我求懷春誰敢誘縱觀泛栢舟怪哉設魚網河測水

德化縣誌

卷十六

藝文詩

四

自流邱中麻麥李那堪望彼留鷄鳴弋鳧雁贈佩孰與儔何處風吹籜蔓草
應含羞蟲飛甘同夢於堂俟我否縫裳誰興刺束薪早綢繆績麻分內事曾
從池上漚淑姬可與語竊願莫效尤懿筐應女執春日采桑柔粟薪繫瓜苦
感慨此三秋行野言采菘新特將爾收誰是酒食議無貽父母憂烏蘿施松
栢維鷓慎遠投終朝看采綠歸沐意悠悠鴛鴦戢左翼胡爲雜梁鷺作合在
渭洽嗣徽識來由不作鳴鳩舌未聞蠶織休令妻宜燕喜讀罷起歌謳

和林伯子天下無山高戴雲歌

邑監生張士賓

天下無山高戴雲無橋高龍門古人有語誰能述我在山中今始聞龍門萬
丈比天高足跡平生未肯遭石橋搥碎懸崖嘴奔流聲帶風雷起嶄巖突出
戴雲尊三島十洲相匹倫時有真人捧海日騎鶴往來煙霧窟身挾嵯峨下
碧天口餐松朮漱流泉壯年我到空門去猶記山頭九溪處洞天福地迥
難週尺咫蓬萊應可遇吳越風波權不停岱恒車馬日縱鐸兩都巖窠併雲
霄紫氣西山看獨饒居庸雁門雄華夏一統憑陵天設者桃源謬作秦人家

武夷不獨閩中誇野性惟耽山水遊屐齒踟躕經幾秋塵氛相逐鬢髮稀稍
厭驅馳昨已非脫巾曳屣山中來雲戴山頭朝暮開傍有九山仙作名鐘鼓
猿猴晦朔鳴予家其下隔春水時有杖藜伴我行龍湖獅子列東南雲水蕭
條禪可參石牛金雞邱壑存五華金液林木繁環峙龍潄丁水涓老少農桑
知四時風俗但傳好紙筆登山涉水携琴瑟偃佺子晉何須求玉壺美酒是
丹邱戴雲高兮龍門長聽君歌兮意飛揚山深百歲無炎熱可以供吾之相
羊

甕谷觀大小龍湫

邑監生 李 鼎

入山看雲水看瀑山水有意尋荒宿村叟指拂甕口煙贈我紅蘭供野藪相
引沿流幾曲中攀藤絕壁不可蹴溪陰無逕作橫橋樹深午氣變震霖忽然
破溜鑿空來吹浪怒鱗難注目五色蜿蜒勢莫停冷霧侵人神森肅老蛟迅
飛潛魚鼈奔騰遠際動林木往往望霓乞水靈風雲倏然相馳逐大湫險絕
小湫奇凌空環抱皆石矗洞底昏黑雷轟轟過鳥驚栖孤猿哭從來空想盤

德化縣誌

卷十六

藝文 詩

五

谷幽何似龍湫泉萬斛請君領取滿甕雲臥聽長松聲謾謾

溫泉

貢士 顏克宗

陰陽炭兮天地爐融液好景人間無木酸火炎兩不用清流自沸跳明珠何
當揚波激滄溟大塊不許氛翳生何當翻波湔酷吏羣黎坐使心眼明堯舜
君民均一視匹夫匹婦皆使被洗除煩苛不擇地奚止一泓而已矣

戴雲山頂觀九溪分派而下

邑監生 陳天寵

聞說黃河星宿源渟泓沮洳始涓涓萬里奔流入塞來波濤洶湧真奇哉我
從戴雲絕頂遊此地毋乃星宿儔池光蕩漾雲光碧上與天河通潮汐九條
分派號九溪或瀉東兮或瀉西或爲清漣激湍勢或如瀑布濺空際誰排長
劍劈青山驚走白虹出雲關雲中垂下水晶簾倒注銀瓶玉樓簷嗚呼九河
神禹蹟代遠滄桑淤泥塞獨此九溪終古分却訝住山人不識

瓊山吟

知縣 魯鼎梅

瓊山傲兀接雲天上有碧霞鎖澗泉幽咽猿狖啾啾泣古洞捫苔自年年昔

有隱者愛其靜結茅人號道德仙人避秦不知漢石藟藟兮山之半至今
嶺上白雲多誰與隱者無從按當年入山別有由功業姓名甘雲散穀城石
商山芝老人綺李尙可知君不見瓊山雨雨風風歷年久祇餘秦漢君子碑
長歌示義學諸生
魯鼎梅

龍潯精舍山之麓臨溪小構書連屋印床花落訟庭閒時過齋頭課士讀齋
頭多士自魚魚几席丹鉛日與俱屈指三年勤切劘新機可比舊何如我聞
昔人欣類聚四時饒有讀書趣九十春光綠滿窗莫將風雨等閒度有時薰
風自南來晝永簾垂靜悟開一曲瑤琴初入弄清歌懷抱思悠悠哉西堂蟋蟀
吟四壁趁此讀書更有益坐教無隱木樨香滴露如珠堪點易况復文史足
三冬梅花數點影重重雪案分題標好句寒窗剪燭煥詞鋒秋月春風非孟
浪滿前飛躍相盪漾到得忘言更須參何時可使雞犬放文章經濟事茫茫
諛聞動衆等虛筐放眼百年三不朽置身須立千仞崗古來志士嗟離索濟
濟一堂破寂寞善勸過規蛾術時行見山山皆攻錯祇今珊網已宏施珠貝

德化縣誌

卷十六 藝文 詩

六

琳琅耀陸離但使良工不示璞會看珍聘龍潯涓

纂修邑乘告成效栢梁體

徵文徵獻集羣賢知縣魯鼎梅百里歡聲動遠天教諭曾晉馬揚班范相後先訓導蕭國琦詩禮韜

鈴並數宣駐防把總洪信訟庭寂靜分必絃典史王佐乙夜辛勤彙鴻篇浦城舉人李青震半壁池頭藜火

燃原任廬州州判吳超英滿門桃李春鬪妍原任永安訓導賴銓花開捧出五雲箋原任宣城主簿陳義熾翰墨香滿丁水

漣進士王必昌學海文江匯衆川舉人林應祖眼箕心髮筆如椽舉人林昱網羅百代任貫穿舉人顏瑛

疑與厥兮信斯傳原任武中教諭舉人曾重登義例分明次第詮舉人李志昱準今鑒古破拘牽舉人許應曜綜

來八百十四年舉人許寶三細目宏綱總秩然舉人徐天樞拓開生面萬峯巔副榜貢生蔡文瀾雷封繡

錯繪表延副榜貢生鄭熊詔寵錫循良降日邊貢生溫玉斗藝林鼓舞沐陶甄貢生連如璋倬漢爲章奎璧

聯歲貢生鄭惠秀桑梓光榮繚瑞煙歲貢生陳開材陽和靄靄被桑田貢生連國器士女謳吟度陌阡貢生毛際泰式

于仁讓習俗湔貢生陳時夏月旦衡評絕陂偏貢生林煥彰芳閨冰玉紀金鈿貢生方鵬奮勝蹟靈栖

訪偃佺貢生鄭文煌雲山滿幅供流連監生黃守仁躡屐搢笏句似仙監生葉乘龍生花老眼愧丹鉛

九十五歲生 員陳玉珩 拮據舊聞効埃涓八十九歲生 員李雲從殘碑斷簡費鑽研七十三歲生 員蘇廷望訂補圖經握蕙荃

七十歲生員 鄉賓陳

廣搜遺稿選青錢

廣生張 應宿 探得驪珠出重淵

生員謝 祈出 腹笥籍記尚便便

遍採芻蕘不棄捐

生員張 天漆 澄心商確共勉旃

生員陳 拱壁 毫端垂露思湧泉

射牛斗躔

生員賴 汝騰 隻字千金國門懸

生員陳 其遇 言言世教發蒙顛

廣生劉 世廣

銀管題成錦軸鮮

生員許 應喧 縹箱振采鳳岡前

生員 陳順 願借輜軒播八埏

猷潤色屬青編

生員會 鵬程

學院 吉夢熊

乾隆乙未按試永春以背寫十三經洎作經解時賦來應試者三百人就中童子九歲至十五歲者十
二人別置一所嚴加考校錄其文理通順者三人德化縣許元生徐鳴鳳永春州會鵬程詩以示之

四齡讀賦完三都六歲誦詩日九紙古人早慧傳史書渥洼生駒志千里使
者按部來永春山圍水繞民風醇口銜天憲試多士觸辰玉暎十二人就中
許生寫十經童鳥應入草元亭徐生寫經簿有七背誦甯數知風丁曾生艸
角操鉛槧初學吟詩辨通轉得非驃騎所掄才賦駑賦席並賦犬其餘九人
亦迅驟求衣就學希光胄期爾文章老更成自昔書升惟論秀曷哉三子毋
矜夸浩如淵海詎有涯詞賦傳者正且葩別材非學流卑哇讀書豈徒記章

德化縣誌

卷十六

藝文 詩

七

句漢儒緒論存箋注能抱遺經究終始始卜文章歸阿士

遊鼎仙巖歌

邑廩生 連步青

我聞仙溪之上有鼎仙乃是飄飄碧落之洞天石骨嵐光鬪秀削丹梯翠棧
相鈎連俯視溪流淼瀾僅一綫幾簇人家黑子然在昔仙人踞窟宅直凌巘
岫之杪巔招提幽敞檐牙啄鉦鼓研旬天籟宣寺額名從丹鼎錫齋廚泉自
石溜濺別繞危磴通寺後峭乎四壁青冥懸邃洞崿岬最絕頂窈而深兮曲
蜿蜒規撫紫陽書仙苑逞得逕丈之勢孰磨鐫一洞側身尚易入二洞徇僂
步未穿洞外石枰嵌空掛終古乾坤此地偏縹緲霞光出趺坐放開眼界豁
大千此時不知此身在何處虛胡笑拍洪崖肩

登駕雲亭懷古

邑進士 知府 郭鳴高

丁流閃閃濯春波曾傳古讖簪纓羅一夜風雷開地軸果然從此人文多又
聞仙語傳此地四橋全三年出榜首將相相比肩我未曾讀青鳥經不諳地
理見地形斗大山城勢突帆四圍羅列萬峯青倘得愚公堅立志又有五丁

奮最廩山羣移去東海邊不必四橋狀元至

燉煌署中作

蘇履吉

古人作吏重愛民今人作吏先患貧愛民患貧不兩立聚斂何如有盜臣官取諸民民取土此中應識民艱苦半絲半粒悉脂膏視此豈容爲過取我聞國計關民生民能一心成堅城矧是太平親民吏曷不慎守貽令名

碾麥歌

在隴西作

蘇履吉

南方種麥復種稻一年兩次收成早西北地寒歲一收年豐還賴雨水好今年見說歲豐穰碾麥碾麥處處忙磨牛拖轉他山石滿堆珠粒揚糝糠兒女較量爭持斗老翁曝背蹲門首老嫗補棗細紉鍼對翁附耳強開口兒啼無袴女無衣寒風颯颯透庭幃明日街上趁市集特將升斗換布歸老翁聽說長歎息老嫗老嫗爾不識去年官租半未完今年新賦又催逼城中數日不敢前差未索租先索錢安得年年無逋賦家無餘積亦神仙

種番薯歌

邑廩生連士荃

德化縣誌

卷十六

藝文詩

八

男墾山田女績麻村村掩映幾人家一宵好雨土脈潤明天相約種地瓜地瓜種子費經營呼童挈畚荷鍤行山鄉地瘠少活計一年糧食半資生日種薯籐能幾許揮來雨汗忘溽暑平原水足多禾苗無水種瓜兼種黍山畝鋤盡綠成茵一番用力一番新捱到秋成取其值老幼擔負行艱辛酬爾艱辛兮誇土產大者如甌細如蓋崎嶇山路蹙躡來叢莽繁荆窮搜剗我聞前明甲午歲薦饑是歲憐凋敝金公撫閩蒿目深丐種外番妙救濟小人樂利今更多漫山匝野番藤蘿易種易收省糧稅論功差足補田禾釀酒曬乾亦多術以果爾腹樂婆婆採風欲識民艱難請君試聽番薯歌

黃忠端公孝經墨蹟爲賴子瑩孝廉作

黃鳳儀

乾坤正氣不可踰忠孝乃與生性俱平日讀書學賢聖臨難安能忘須臾蹇諤立朝秉大義無端逮付錦衣吏欲殺豈專明主心高名並觸當路忌陰房鬼火閉深黑精誠血淚填胸臆淋漓大筆書孝經身在獄中心在國嗚呼思陵嗣立稱英明元凶手剪羣奸懲奈何剛愎矜予聖終以猜忌疏忠貞是時

公卿多唯諾身家念重君國輕元氣摧殘餘碩果大廈一木難支撐有才如公弗早用攀龍終抱鼎湖痛江山南渡風景非慘澹義旗出章貢乃知求忠孝子門時危始識真樑棟天經地義平生心志士仁人後世慟公騎箕尾歸帝鄉遺墨猶爭日月光百二十本多散落得非雷電下取將賴君寶此豈易得什襲珍藏時拂拭節義千秋長不磨興亡一代供太息陵谷又更二百年此卷常留天地間且擬築室景先哲欲將忠孝爲家傳

去婦詞

黃鳳儀

溝水東西雁南北去婦欲行心惻惻朱顏自古有盛衰舊事分明那堪憶少年結髮爲夫妻君家正值艱難時黽勉齏鹽霜月苦辛勤機杼秋風悲與君嫵婉一心力傾情倒意無猜疑室和常得姑嫜喜恩重難教姊姒知誰道蛾眉共謠諑委棄自緣妾命薄但愁妻道終無成不憂新寵奪歡樂願君有美顏如花綺釜蘋繁獲終託織練織素君自量安必新人不故若明星有爛明月光掩涕躊躇出故房錦瑟空陳舊歌舞羅幃猶帶雙鴛鴦留將簪珥置君

德化縣志

卷十六

藝文詩

九

側脫簪之語毋相忘請聽雞鳴挾弧矢弋言鳧雁高翱翔

望戴雲山雲氣

黃鳳儀

戴雲山高天尺五元氣鴻濛自吞吐上有池水潛虬龍往往神靈致雲雨天晴萬里纖翳無觸石初看擢煙縷須臾騰涌紛雜沓蒼蔚象形成草莽奔突如馬蜿如龍旋舞商羊笑以虎東嶺西峯混接連一氣蒼茫不可覩銀河倒吸瀉翻盆大地雷霆爭吼怒崇朝絕頂露芙蓉奇峯明滅幻難數散爲餘霞作綺飛豈有天孫爲織組山靈有意弄譎奇白雲仍向山凹補雲來雲去總無心惟有青山自終古山中氣候變朝昏人事滄桑成仰俯我家終日對屏幃雲氣縹緲橫村塢祇堪怡悅不可持願與青山長作主

海氛

黃鳳儀

海疆百谷趨東瀛島嶼一髮蒼煙橫自倭底定海波靜縱有小醜旋蕩平儒將風流久不作波濤瀕洞夷氛惡長鯨掉尾肆狂妖不據津涯儼城郭惟我華夏何堂堂

文選卷之三

威平

九州賸貢列方賄萬國共球同享王聖朝原

不寶異物珍奇詎必需遐荒窮髮之南碧眼種番舶萬里來汪洋此事吾欲
咎鑿空當年誰始謀不臧不見漢家西域開蒲萄天馬東道來疲勞中土事
夷狄甘泉烽火連輪臺自從互市二百載至今邊陲急防海樓船幾見楊僕
來將帥空思頗牧在江浦連營列鶴鵝豺狼當道誰敢訶壯士豈無請纓志
英雄束手無斧柯誰能腰佩飲飛劍手提周處戈掃開窟穴驅蛟鼉眼中之
人今亦老嗚呼其奈蒼生何

昭忠祠

郭德冲

久處太平忘劍戟三君在職遭艱厄共懷義憤雖未伸正氣可禔兇人魄蕭
君鏖戰誓不回范帥冒危通使驛自非平素抱真忱臨急烏能無變易何公
越境可生全纏綿不去留山僻自念爲人父母官一方塗炭將誰責大軍未
到無奈何襁負奔逃禍亂劇惡寇楊威刃相翔老何倔強亦猶昔君門萬里
疇相憐溝壑捐軀不自惜身後名望重如山勿謂三君失籌策山縣罕聞詠
甘棠今知勁性鍾松柏剽匪立勳止一時三忠以死扶國脈龍潯義勇奮然

德化縣誌

卷十六

藝文詩

十

興聞官被害皆踊擗如喪考妣慰忠魂討賊義旗皆豎白既平寇亂競軍功
孰與三忠光史册

禽言

黃鳳儀

行不得哥哥山有豺虎水有蛟鼉水域工射影山鬼喜人過雁驚繪嫩雉網
羅行路之人將奈何
曷不歸去故鄉何處芳草綠縹山花紅細雨斜風春欲暮可憐啼血喚歸來
年年只在他鄉住
布穀布穀家數畝田粟百斛羹我芋魁飯饅粥有田可歸意亦足曷不青山
抱黃犢

禽言

邑拔貢 鄭

祥

蓋聞不平則鳴有懷斯吐是以志切匡時鄭五好爲歌後心存糾繆劉四亦復罵人若僕則一介書生祇
知瓶守然三思無故未免杞憂爰託禽言聊當龜鑑願聞言而知戒即罪我有何辭述而未詳聊陳數則

行不得也哥哥行不得也哥哥未聞撫字聞催科本色徵完尙負累五百二
四將如何自從井邑兵戈後上戶中戶剩幾多安得如許金戈戈額外徵輸

爲怎麼聖朝本自傷民隱行者無乃太殘苛飽私囊曷不念民和
一百八箇一百八箇捐輸令迫民家破地瘠已難軍費供况復欲令囊橐助
泉貨欲輸室罄懸泉貨未輸賢令怒戴天履地二百年傾家圖報未爲過但
是牂羊首已鑿國家元氣須調護六品銜七品誥使我歔歔悲無那
鈎輅格磔鈎輅格磔近日紳衿少顏色儒冠相繼易南冠有罪無罪同縲絏
丈夫可殺不可辱嗟獨何爲刑杖迫縱教俯首受摧殘朝廷大體自須惜君
亦讀書人相摧何太急人言兔死狐尙悲我輩聞之長歎息
不如歸去不如歸去將軍韜略殊無據今年受命典專城卒聞寇至何忙遽
小醜跳梁燬近郊膽寒不敢偏師禦卽今四海雖暫平暫平可喜亦可慮胡
乃防守日疏虞部伍縱橫官逸豫吁嗟乎惟有齋醮與閉城此是將軍妙策
處
懊惱澤家懊惱澤家荏苒黨裏雜通儒鄉導不辭爲走狗假威直可比羣狐
義兵阻兄弟呼外何文雅內何愚讀聖賢書學何事大事無乃太糊塗萬年

德化縣志

卷十六 藝文 詩

十一

遺臭莫能洗清夜思量懊惱無寄語儒林同志者鳴鼓共攻非吾徒

南不北南不北局中機務誰努力外有寇戎內有奸下爲民瘼上爲國胡乃
無事日紛紛君不能謀君默默朝而遊夕而息用有錢飢有食意氣揚揚殊
自得軍國大計且模糊相率庭前飼鳥雀

鵲鵲鵲鵲鵲優柔養奸計何愚去年豺虎滿郊衢食人骨髓噬人膚慙不
畏死凡民懟此輩何須待教誅既知有罪在不赦金作贖刑何爲乎譬如粮
莠鋤弗盡嘉禾安望不荒蕪貪姑息曷以靖荏苒

登金城山六絕句

乙卯亂
中作

邑學人
知縣謝青鍾

便與人寰隔居然境非秦方知眞榴洞原屬信脚人
登高好問天恨無驚人句學得阮公哭也應掃雲霧
古石耀靈氣至寶祕其中誰爲叩玉戶呼出白猿公
天低如屋覆日月是吾輩願借此長光照灼千山怪
山城夜柝靜千家餘照紅看出人煙火始覺境崆峒

高陽古酒徒生平高山仰今日醉此鄉更在高陽上

山下有高陽鄉

閒居

唐歸德
場長顏仁郁

柏樹濃陰護竹齋罷燒藥灶縱高懷世間多少閒中景雲繞青松綠滿階

諭農

顏仁郁

夜半呼兒趁曉耕羸牛無力漸艱行時人不識農家苦將謂田中穀自生

龍潭八景

知縣殷式訓

雲亭峻聳出城隅風景憑睇四望殊最是三春登眺好花開似錦滿城鋪

雲亭

誰畫雙流將字名憑高一望甚分明微波蕩漾新晴日陣陣薰風送水聲

字水

魚案千松綠未齊月光影裏淡煙迷此中風景宜遙望半夜清樽好對攜

雙魚

巍然風翥倚蒼冥麓擁煙嵐展素屏好是雲鋪遮欲盡惟餘天際一峯青

風嵐

程田松老繞叢林龍幹虬枝幾十尋鐘磬無心禪定處長聞空外起潮音

程田

字內聞聲說建窰堅姿素質似琨瑤乘閒每上峯頭望幾道青煙向暮飄

瑤臺

錦屏端拱北城頭遠樹含煙翠欲流有路競趨名利客幾人解放景中游

錦屏

德化縣志

卷十六 藝文 詩

十一

蕉溪橋下石間泉疑是地中有火然一熱一溫分界限長留奇跡與人傳

蕉溪溫泉

漣溪卽景

邑人鄭惠琇

漣溪一望水波平誰倩天工畫作丁萬井桑麻分兩岸蒼蒼雲樹盡縱橫

奔來萬派繞堤封一面灣環浴醒龍南浦煙村雞犬靜雙魚山下夜聞鐘

雲亭春望

邑生林敏

雲亭絕頂插天高百里春光入望殊最是河陽花事早成蹊桃李已平鋪

登駕雲亭望雨

邑舉人鄭秉鈞

山靄雲空郭外明老身登眺憫春晴不貪摹寫亭前景代唱三農禱雨聲

天心仁愛施蒼生犁插何因嘆久晴若得蘇公名志喜須臾慰滿譜歡聲

丁水晴波

教諭出夢鯉

縣前溪水愛新晴三折波搖一字明鼇背問誰揮彩筆天荒雷雨寫金聲

繡屏積翠

出夢鯉

西山似繡展屏頭翠積蒼茫滴欲流每看晴雲開幄帳合攜笙鶴共遨遊

續紵謠

知縣 趙睿榮

黃鸝樹上鳴啾啾村中少婦提筐來礪泉新汲不冰手一痕細颭春雲堆
儂家住山種山紵刈時溫以東門渚絲絲入手心共牽似那千頭復萬緒
千頭萬緒繙無端布穀聲中春已殘爭說羅紈稱體好那知尺寸上機難
山鄉是處憐磽瘠深閨也自生涯窄地不宜桑更不棉祇應纖指拈晨夕
指頭一縷能幾餘女啼索袴兒索襦枯黠然作夜窗炬怪他海畔游犇蟬
盼到絲成織霜素兒女子兮著何處盈箱滿篋輸向誰昨日販人鄭州去

龍潯竹枝詞

連士荃

作邑萬山深處中相看德化俗攸同長官撫字清還簡試聽輿歌一採風
地不宜桑只課農梯田萬級野煙濃番薯多種資糧食兩季無如一季冬
千層嶺路競攀躋疑是上天別有梯一簇人烟一村隔雲中聞犬亦聞雞
僻壤休嫌近草萊北山記訪讀書臺紫陽過化琴銘在廉靜還師兩字來
石室名山說九仙仙來仙去不知年一尊彌勒醴酌洞前輩曾題別有天

德化縣志

卷十六

藝文詩

十三

戴雲高處近丹霄獅子龍湖一望遙更有虎巖讀書室昔賢曾此避塵囂
一重水郭繞芳郊鐘聽程田古寺敲好向雲亭衣振領丁流水曲字文交
鬱起窰煙素業陶瑤臺一望震松濤白磁聲價通江海誰憫泥塗穴取勞
鑛山寶氣望如何挑運崎嶇躡躑躅過炭火六爐終夜煽鎔成銚鐵利人多
連山貓竹亂如麻咒筍成林利有加槽稅輕輸紙稅薄一肩販去海天涯
燈火初教罷上元請香連日鬧鄉村童身釘血駭觀甚綵閣迎來喝采喧
戲局多緣佛誕辰牲醪花果雜前陳喜無遊寺燒香會廉恥尙存閩閣人
八月多因祭掃行紙錢掛墓似清明九泉一滴何曾到水木同懷萬古情
多因功果結齋壇冥庫填還子職安可笑浮圖人易惑天堂昇入有誰看
抱來佛脚此心慙畫鼓鼙盡日聞乞藥降靈人不悟巫醫一道香難分
不信山形與水形堪輿邪說有真經欲求福地翻招禍宅墓紛爭到訟庭
羽毛養就快圖南講院還因學舍堪共仰文壇得宗主春風二月又初三
閱來世味別酸鹹隨事維持志不凡操得土風傳里諺留將清話檢詩緘

芙蓉水蘸筆寫美人

邑名媛 謝鳳姝

芙蓉出浦秀臨風一點胭脂竟不同水照奇花花照面春山淡遠最難工

薄堤夜坐望駕雲峯

邑舉人 林汪遠

高峯天際出抱月照清池酒酌於其上詩成在此時平郊煙火靜過岸鐘聲遲秋色瑩如鏡願持贈所思

宿程田寺

邑職貢 鄭 暹

出郭過叢林悠然晚趣深雲歸方竹逕月上萬松陰佛默非嫌酒詩遲自苦吟疏鐘頻點落消盡世塵心

攀龍橋初曙

邑監生 林德龍

龍湫澄曉鏡鳳岫靄春明入眼睛光轉侵衣宿露輕林開知鵲喜酒熟報鶯鳴提屐尋芳去潘花望滿城

九日集西華室

教諭 曾 晉

佳節朋徒會清樽共解顏邈然山水裏乘興叩禪關嶺嶠霜初重寒英遶徑

德化縣志

卷十六

藝文 詩

十四

斑恰能招醉客笑掇一枝還

九日西華室和韻

訓導 蕭國琦

衰鬢經秋短簪莫慰老顏酬詩來菊徑載酒入松關山以凝煙紫樹因結露斑登高開笑口落帽許同還

紡綿

蘇如蘭

冬至怯衣單紡綿到夜闌聲依風樹響光傍雨燈寒催赴機中織忙收席上彈一絲頻積累十指未偷安莫作新花熟因成素幅寬東鄰休取笑相對覺承歡

小春梅信

課士日

明知縣 金麗澤

岫老雲荒翠色沉一枝聊復見天心非貪日午烘晴暖翻愛霜嚴表節深東閣詩家將有興孤山處士欲微吟莫言春色尚遲我看取清香次第尋

嘉禾

清知縣 范正輅

叨膺簡命蒞龍潯憂樂家風撫字心百里漫歌三異政一官惟畏四知金愁

無柏節凌霜翠喜有棠陰帶雨深但頭爾民頌嘉禾歲歲紀如林

和范明府詠嘉禾

邑解元 蕭弘樑

閒來山水可幽尋頻憶當塗父母心三異政成誇止火十莖秀滿慶垂金琴
堂色笑和風發花縣謳吟香露深卓名方來褒德詔行看策馬入瓊林

和范明府詠嘉禾

邑貢 陳錫華

漢臣從昔歌來暮先後還同撫字心丁岸花蔬爭獻瑞潯陽禾黍盡鋪金政
誇三異祥風遍化洽雙岐沛澤深自是春風嘘暖谷應看桃李滿瓊林

雨後漣溪曉行

典史 章錫

雨歇溪頭趁曉行陽春煙景望中生天桃隔水多含笑翠竹臨風亦向榮遠
近山明峯特起高低麥秀隴初平回看宿霧千重掃鳳翥龍潯一派青

龍潯山迴文

邑進士
知縣 王必昌

鍾靈地角抹雲山勝覽頻來同侶攀封磴古苔滋翠點拂嵐晴岫擁青環峯
攢怪石危亭倚郭繞長虹雙水環鐘外花城春靄靄龍潯起色瑞穹寰

德化縣誌

卷十六

藝文 詩

十五

章公墓

墓任小尤鄉舊傳公唐時率兵禦寇至此民賴以安卒葬此鄉人立廟祀之

邑廩生 劉世賡

戰壘蕭蕭記策勳當年保障賴神君唐書新舊遺名蹟德里春秋愴義魂廟
貌猶崇老太尉墓田誰表故將軍寒巖謾謾松風起惆悵啼猿隔斷雲

程田寺訪樓蓮上人

邑進士
知縣 曾西元

未到禪林忽幾旬非煙一片送餘春松間有鶴應招我雲外聞鐘漸近人煨
芋漫嫌廚火燼試茶欲借佛泉新今朝快觀蓮花相不染纖纖下界塵

程田寺步月觀蓮

曾西元

月到更深照上方僧邀移步向蘂塘蓮心細取禪心靜花氣渾含夜氣香踏
鏡凌波無定影擎珠出水有圓光中宵未厭池邊坐管取荷依拂石床

觀東郊迎春

邑廩生 蔡文灃

仗旗簇簇向東迴迓得春光次第來雪眼漸開青展柳霜威欲盡白留梅暖
風敲轉茶邊句淑氣行催閣上杯花信促題牋百幅西齋甘自費松煤

龍潯春曉

邑廩生 陳鳳鳴

山城風物趁春明曙色蒼茫景倍青柳爲眠雲慵未起花因吸露醉方醒一
溪煙染雙橋彩萬壑嵐薰四野晴喜得鄰翁呼載酒日高相約聽流鶯

郊行漫興

知縣胡應魁

萬山深處關雲闕室宇迴環碧玉灣百丈嶺泉憑行引千聲水確笑人閒俗
醇最便官藏拙意洽遑嫌語作蠻何事鼓吹盈巷陌林邊迎得使君還

陪刺史鄭公登駕雲亭

江雲霽

一峯蒼翠落重關煙鎖空亭雉堞環鐘罷龍醒臨滄閣秋高雁近戴雲山風
來黃穀青疇繞露綻紅蕉碧水灣幸際鹿輪吟眺處清心冰鏡澹忘還

庚子秋感

黃鳳儀

海邦日月久承平沙島無端伏莽驚五嶺川原燎燧火百蠻天地變秋聲棘
門軍或同兒戲僕射人誰託父兄獨有壯猷元老在安危早已繫蒼生
裘帶雍容坐嘯清華夷婦孺共知名臨淮壁壘森旗幟老范胸中有甲兵帷
幄已謀擒頡利封疆誰意撤長城中原物望思終賈少小何人更請纓

德化縣志

卷十六

藝文詩

十六

秋風鼓角肅城樓日日牙旗擁上游諸道舳艫新戰艦重臣節鉞舊通侯養
癰自古多遺患食肉何人有遠謀聞道兵機貴神速誰將前箸借持籌
海潮何日斬蛟鼉城下重圍列鸛鵝吏議徒能繩魏尙將才誰復似廉頗戈
矛且喜稱同澤戎虜還聞已渡河信賞猶堪勗貔虎緡錢那許擲鯨波
浙東未報靖烽塵纔過珠崖又入閩狡兔妄思營窟穴漏卮無計塞關津普
天何處非王土中國如今有聖人肯許島夷相雜處老成持重仗經綸
波濤出沒本無常澎廈咽喉固禁防海口築城環鷺島將軍持節鎮龍驤三
千組甲增犀兕十萬芻茭峙糗糧習戰昆明非一日誰容小醜竟披猖
赤嵌城迴護東藩一望滄溟撼鷺門瘴霧雞籠秋氣肅颺風鹿耳海潮昏帆
檣賈舶魚鹽富戍卒邊營虎豹尊殊錫總戎須慎重異方自昔幾蜂屯
俯仰乾坤幾歎吁中原民困未全蘇千村鴻雁勞安集萬竈貔貅苦挽輸將
怯疑兵驚草木時清遺盜苦萑苻懷柔震疊功相濟經國從來有遠圖
萬國琛琛供職貢百年民物久恬熙如何干羽敷支日屢遣戈船下瀨師擒

縱攻心原有策拊循革面是良規南塘儒將推名將一鼓平倭績最奇

和賴子瑩陪王月船州牧郭鴻羽監州摘藻樓觀稼原韻

黃鳳儀

川原綺繡畫圖中閒上高樓縱日窮桃李春風陪講席黍苗陰雨課農功醉翁山水賓朋樂海國文章鄒魯同敷教在寬政在簡未妨臥治嘯吟工連年烽火海濤中杼軸東南民力窮憂國賈生誰畫策和戎魏絳已成功吏寬苛責偏隅樂邑少流亡我稼同行看循良膺課最高車用以表羣工萬間廣廈庇胸中民困眞憐轍鮒窮今日盤根徵利器當年決獄有陰功農桑犢劍宣風速文學牛刀奏績同好譜絃歌新唱和流傳樂府付伶工羣英多在絳幃中學海津涯未易窮一代才誰砥柱手幾人筆有補天功鵝湖講道遵模範虎觀談經說異同要共諸生敦白璧刮磨端復藉良工

有感

黃鳳儀

由來盜賊本編氓誰遣探丸變猝生伏莽偶然成蟻聚揭竿原不假狐鳴但

德化縣志

卷十六

藝文詩

十七

令渤海無留劍豈必終軍更請纓良吏拊循眞有道行看革面盡輸誠誰繪流民鄭俠圖閭閻無計緩追呼天朝蠲賦頒寬詔縣吏催科下急符推算門多空杼軸逃亡勢竭起萑苻可憐玉石岷岡火黔首紛紛亦太愚

題陳統軍廟

黃鳳儀

龜龍戰罷陣雲殘匹馬歸來尙據鞍獨有將軍頭可斷能令逆賊膽俱寒伏波氣壯終殉國博浪謀深爲報韓莫把英雄論成敗丹心留與後人看百年嶺海嘯豺狼一夜龍潭燭火光誰使疑兵驚草木可知正氣挾風霜戰場日落山河壯古廟春深薇蕨香祇恐高蹤編不盡殘碑何處弔滄桑

無題

謝鳳姝

簾外東風漸轉移海棠褪盡小春枝眉間有翠山難鬪心内含愁鏡獨知夢弱不堪鶯喚早門深空念燕歸遲晚霞長布南天錦借作迴文寄我思

織羅詠

蘇如蘭

一自拋書學織羅絲絲都向手中過始知尺寸艱難得莫謂衣裳便易多母

願有時希斷杼兒懷無日敢停梭倘逢天上偷閒女轉惜秋來未渡河

賦

清

聖主詣雍勸學賦

邑榜眼 鄧啓元

惟

元后之亶聰兮作君而兼乎作師有此媵脩以帥天下兮教順時而正規駟
玉虬以視學兮隱符訪道乎崆峒之涓溯太學所由立兮五帝肇號曰
成均成以成人爲義兮均以調而爲言曰東序曰右學曰東膠同實而
殊名兮義著尙質與尙文既遠望靈臺之巖窠兮又近環璧水之清淪
我皇之德包三涵五以立極兮厥教本乎五典與三墳黃帝顓頊之道
敬怠判于毫芒兮唐虞詔之以執中堯放勳而舜重華兮亦揆序而典
從及乎文命九德是庸教胄之語寬栗直溫愿恭擾毅至道所存三聖
儼而致敬兮湯又申之以表正文翼翼而緝熙兮武皇皇而執競綿綿

德化縣志

卷十六

藝文賦

十八

千載至于素王麟書既出赤紱呈祥祖述憲章曠世獨崇天生我后道
統斯在尼山續徽泗水正派尊師重道褒封五代夫惟先後聖之同揆
故能錫類而不隘曰道可公兮而不可私咨爾俊民兮登高以自下爲
基望宮牆之輪奐兮將釋菜而光乎鼎鼐既卜禘而遊志兮當其可之
爲時于焉鳩工庀材丹雘刻劂斷楹龔棗錐巵刮楔宗廟斐亶兮丹楹
朱闥廟貌重新兮虔誠以揭惟日在胃兮昏中七星律中姑洗兮辰爲
上丁命卜日于宗伯戒習舞乎司成遂乃拚除射宮滌漑馨宗棧纂陳
兮郊東梳棋具兮上庠樂人宿懸兮阼西異方笙頌兩磬兮其南鐘大
昕鼓徵兮夜未央鹵簿前蹕兮庭燎有光載日月兮旌虎熊駉驪梟兮珪
駕蒼龍麾蓋蹀躞兮和鸞鏘鏘天子舍奠兮有飶其香執鬯輸誠兮珪
璋叩印笄薦蘋蘩兮靡不瞻夫穆皇大胥掌版以致諸子兮紛羽舞與
牘春已而應輦備舉相雅聲煌祭筵既畢天子乃講道于彝倫之堂氈
案論道兮講幄徐褰泮藻風舒兮園橋日暎琅函啓兮師道尊罕譬而

喻兮瑤編展披大學兮職詞遵雅言兮重謨典溯正心誠意之淵源兮
合治平以歸于至善本精一以立政兮惟危微之必辨絲綸既降兮其
義博衍丹書啓祕兮詔道乃緬爾乃三公九卿大夫羣后闡幽微顯以
至胄子國之俊選來若風行聚若雲填捧瑤箋兮記所聞簪彩筆兮集
成卷或有操縵之俊博依之子徐徐于于來求聽語聆經義之煇煇兮
若迷行而得歸所于是乘輿下鈞天之座徹繅席之黼乃奏土夏返旌
回羽顧瞻譽髦兮何樂胥命有司兮錫燕醕席位象三辰五星兮清廟
既歌而合語言父子君臣長幼之道兮合德音之爲主有司告樂闋兮
史臣秉簡紀事以光于萬古 先聖之厚德兮播金聲而播爲惇史其
時觀者如市環者似堵或德進而言揚兮雖郊人亦取上尊以相旅是
知臨雍之典其來舊也歟今天子紹百王千聖之統大寶初登鴻庥是
凝披彼成憲案乎史乘力田是舉孝弟同升親郊以嚴配耕藉而敬興
既漸仁而摩義亦風沅而令行猶以化民成俗必由于學觀時術之蟻

德化縣志

卷十六

藝文賦

十九

子琢玉而雕璞以董戒爲曲成兮庀良材而不遺乎礲礪覆育多士如
伏鷁鷁吉士將挺生兮翩翩飛而相颺蓋作人配乎菁莪典胄追乎韶
節赫赫乎泂泂乎盛德大業至矣哉其於永平橫經貞觀造士猶泰山
之視乎古璞耳敢作頌曰皇帝踐祚天地合德壽考作人藏修游息薪
之樵之取材樸械建國君民典重庠黌學禮讀書四術是崇春誦夏絃
詔之馨示於樂辟雍天子來臨旆旆神旗嘒嘒鸞音大哉王言一哉王
心多士盍簪踴踊雲從親炙聖德爲龍爲光臣拜稽首壽考不忘

龍溇賦

魯鼎梅

繫永州之首邑屬泉郡之舊區接三山之雲海徵一統之車書撫雷封之樂
土舒清嘯於公餘粵自仁郁立德化集閩王歸封疆入星野分形勝岌鴻宅
既鳩龍溇以邑仙遊東襟大田西弼永春南連尤溪北暱雖沿革之遞更亘
古今而不失則有陴堞環閩隘汎列垠廡舍若錦園闐如鱗廟壇肅兮人鬼
享禮樂彬兮士女親三十九社民風渾渾近古七十二候時序藹藹如春兵

燹昔驚兮嗟村墟之寂寂唐虞德洽兮慶戶口之溱溱顧乃物產茁民氣馴
正供納則壤均麥浪兮吹秀稼雲兮成困天不愛道澤自媚珍山雞吐錦畚
穀薦新歌社酒兮家家扶醉擊土鼓兮處處歛幽規太平之有象與流峙而
方臻蓋其碧水丹山神工鬼斧龍溥千里龍來鳳翥九苞鳳舞戴雲雲髻梳
霞如插天花卓筆筆鋒指碧疑書太古產水百川波瀾丁溪一夜雷雨龍門
飛浪兮崖轟虎澗吼空兮濤怒石穴幽兮古崆峒澄潭黑兮窟蛟龍紛千巖
與萬壑羗浪卷而雲封覽山川之奇秀想靈異之毓鍾憶夫川效珍嶽職貢
民獻生福星動花縣春深琴堂風送馮姚甦既困之瘡痍和撤起更生於疾
痛熊王若軍中之范韓張鄧眞王國之樑棟爲霖多人保赤皆中莫不稱佛
稱神如鸞如鳳寇借當年碑留有衆使君來兮桃李栽文學振兮科名開育
英才於有用厲風俗而加倍爰有天上書記人間仙才跌宕文史嘯吟巖隈
思異水兮泉湧筆非秋兮露來發大業於名山馳清譽於仙班歌鹿鳴而鵠
起登鴈塔而龍攀既文章之炳炳亦經濟之斑斑卽如政清兩浙宮庶才豪

德化縣誌

卷十六

藝文 賦

二十

節標千載御史風高林隆甫保守孤城千人豁免鄧台生痛哭一奏萬姓舞
呼真好長官兮龍南有頌以死勤事兮儋州忘勞至若統軍救宋十萬勤王
血殷頑石魂毅故鄉或贖父棺於賊寨或脫叔命於劍鏃或籲君門以避屯
困或散家資以靖豪強還遺金兮風何古賑私橐兮德彌芳洵孝友之獨摯
嘆忠義兮難量至若女中丈夫閨內處子人稱未亡志惟自矢名初問兮幣
初陳秀娘經兮墀娘死劉婦身隕絕崖桃娘魂隨流水寧甘賊鋒不受奸滓
緬彼松筠礪人廉恥此皆冰玉之精英要與河嶽相終始別有一邑之英百
年之皓表以人瑞之坊賓爲天朝之老山似終南兮水若輞川白雲飄飄兮
碧澗清漣誰其居此中有人焉少微朗處士堅志高尚情孤鶩依稀五柳彷彿
七賢更有六如了悟九轉功圓疑神疑鬼成佛成仙亦自稟夫清淑爰得
洞其空玄錯舉人物之蒸蔚相見扶輿之蜿蜒固宜韻士高賢望奧區而栖
托騷人遷客景芳躅以流連也若乃探幽訪佚懷古興思琳宮縹緲梵宇參
差塔獅霄兮山之麓橋鳴鳳兮水之湄春波樓外波瀲灩雲龍橋下龍委蛇

紫雲藹藹金液離離九仙煙碧五華月遲尋仙女之飛鳳讀隱士之殘碑王
龜齡龍池波濤自昔真西山古蹟霖雨猶滋井逢端午而獨溢樹老百年以
長枝湯泉滾滾兮沸如溫谷瑞蓮亭亭兮香滿泮池斯固龍濤之聲名文物
詎云巖邑爲僻陋荒夷爰略敷其梗概而重綴以歌詩歌曰水湯湯兮山峨
峨選勝概兮有且多靈而傑兮大非夸千秋萬世兮天寶物華

丁溪賦

連步青

若天低徊蜀郡有浩淼之二江徙倚宣城見晶瑩之兩水晴波則拍岸浮空
遠浦亦拖藍泛紫悟文瀾之滾滾情移荻港蘆洲浮墨氣之溶溶目極鶴汀
鷗沚顧未有文成大地宛揮灑於行間波撼孤城類縱橫於筆底爾乃考龍
濤之軼事得漚水之舊聞羣山環而聳翠兩澗漾兮成紋源可濫觴發瓊山
而遙注泉惟漱玉繞煙郭以平分地留古讖天牖斯文昔年劉令芳蹤來鑿
龍形於絕巘此日林家逸軌曾移鯨浪於幽澗水偏趨北溪乃名丁當疏淪
於原野會鼓盪夫雷霆雨暗沙洲新漲半篙春水雲橫斷岸平連幾曲煙汀

德化縣志

卷十六

藝文賦

一一一

劈就丁方瞥看湧浪決成丁字允合象形爾其文疑魚枕無事臨池勢叶蟲
書依然倒薤有時鴨頭綠漲翻經墨瀋淋漓是處薨尾文早恍託毫端泐泐
丁原須識豈緣後甲先庚水自有源不類一池九派現赤文而蕩漾疑呈大
禹之疇瀉綠字以灤洄欲索羲皇之卦顧滙東澗之流既如聽江而得法而
列南方之位亦復繼照以超倫丁於八卦爲離離明可濟夫習坎丁於五行
爲火火光偏耀夫水濱溪頭一抹農田畝畫井形而相映壩外幾行村市路
開十字以如真何羨乎午橋勝蹟聿啓夫西穴文人矧乃練積盈盈波迴灩
灩亭駕雲而勢峨塔冲霄而光焰翥鳳之晴嵐倒映鳳書疑向清瀏雙魚之
螺黛遙分魚素恍來翠瀲不數巴江之號字跡渾如肯教丙穴之奇嘉名獨
占宜其文治隆昌期洽通學海兮橫吸百川湧詞源兮倒傾三峽佇看龍津
橋近知躍浪以千層縱教鰲頂峯高快凌雲於一霎詎第漁翁釣渚封小甕
兮餉紅丁騷客臨流貯醇醪兮漬黃甲哉至如汀蘭芳兮日麗岸蓼長兮風
和集鴛鴦兮莎渚浴鴻鴻兮蒲波或濯纓兮豪興或放棹兮高歌須知劈破

鴻濛當午夜而巨靈鼉鼉畫成蝌蚪傍庚山而詫電摩抄將溯委而尋源允作人文之藪願乘風而破浪共登甲乙之科

序

明

戴雲山志序

知縣楊文正

禮職方土者境內山川例當虔祀典明有攸屬所司也德化戴雲山亘峙西北隅高峯巖峩衆山望莫能齊斯固一方巨勝矣然泉南七治獨德化在萬山中石徑阻隘溪沙淺勒以故馳驅泛棹皆非適而冠蓋時流覽勝好遊之跡亦不數數過如食土之民鹿居豕遊鑿環犁塊杯杯榛榛有古風味是山全靈隱鎮歷溯自唐開利至今永獻一方而德化由來社稷之與治民並稱鄭重厥有以也間嘗考府縣志又知是山西南行透邈至清源作泉郡祖龍東北自天馬山起勢入莆仙永福長樂四地今幾郡人文斌斌甲宇內就人物思山靈之重其苞孕閩南發祥宏遠關係豈小小云度處德化望鎮奠雄

德化縣志

卷十六

藝文序

一一一

創剝肇唐祖膊所以永歸德之場壯荒城之色又其亞也斯志首繪山圖以著延袤包原固隰之廣次標題詠以表高人墨士讚嘆之奇殿以名公巨卿賢達序記詎小書細說哉所由儲精散彩橐籥靈秀徵表文物者將於是乎在若夫纂輯成書留鎮山門增輝法界則山僧圓朗之功也矣

九仙山志序

楊文正

山以仙靈自昔記之豈凡塊然者是必標勝自神仙豈凡至人者是必以靈秀融結爲窟宅哉而似不盡爾也環閩固多山尤多奇山徒以其巋突聞大塊中一頑質耳就間峭峭削削怪石碌碌插柱罅洞超距羅布竅大小鳴而不得其際巖高下見而莫狀其奇或步武可容數仞旋隱曲不可攀或彭彭出石罅中淵泓照瀉又不可得其上溶溶之自是山現出諸狀貌人亦就其近似可稱者名之石室丹竈丹鼎龍池爛柯處彌勒洞於是山之奇特有加稱仙之異實愈標著矣斯九仙之大概乎說者又謂山何以九仙非八也無以雷轟龍滌黃雞茶潭屹然仙遊九鯉勝事具在德化鄰之則山名九仙何

必顯彼而疑乎此卽謂之九仙似不必窮所以也夫九鯉卓哉閩中勝異而黃梁受枕夢點機械致走四方英杰趨若赴何無泥轍日耶獨德化九仙山藏靈於萬谷間得靜體樸中露奇喧中處寂與雲霞爲朝夕同日月生光輝得靜機有謂惜其僻在一方不集高士之車招道遊之侶與九鯉等觀繫此政九仙之所以爲山具天地大觀靈愈嵌愈日永固而不騫也乙卯冬余來宰茲土儼然企慕之丁巳春甫哀糧重繭探奇山間覺有乘雲御風想不揣於筆舌間紀遊愧鄙俚矣忽一日四門張君纂所爲九仙志強余言余言不文何以遠恃有諸君子纏纏大作在又恃有九仙之摩雲鷲嶺諸勝概在余亦索有煙霞企慕與張君悠悠泉石心有同然也聊爲發之且嘉張君臚列是書一閱案頭載籍不待躡端峯巔遍遊霧岫然後識所謂山靈也者是山固具一化工而張君之志尤化工妙於點綴手矣

九仙山志序

張士賓

吾閩固多山而奇峯絕巘具福地之一體者卽區內亦指不多屈况吾邑乎

德化縣志

卷十六

藝文序

二二二

邑滯北三十里許有山戟立碁置不知其幾千萬狀名曰九仙者是爲最著邑乘云昔有九仙人經遊其處今石室石井石鼎石灶石池石盆石碁子宛然俱存巖故名九仙翔自唐始開元間沙人無比師藏修其上道成鼎建易爲靈鷲巖所雕石大士彌勒世尊在焉至元末明初兵燹稍蕪嘉靖末崔苻盜起田沒室毀幾成烏有嘗聞一村中人某者年每施箬笠蓋如來而已萬歷中僧智空食力興廢實山靈使之茲者梵宮寶相踰昔布金幽壑元亭尤今聚鷓朝日旭而暮雲飛松風吟而禽鳥樂廓然大觀矣惜夫僻致一隅軒蓋罕至獎借寥寥知有九仙者不過十之五予於泉石有癖焉自倦遊以來每入里社卽遲佇其境欲敕斷家事學禽尙遊未皇也然神未嘗不俱往若夫春風習習秋月遲遲泉涓涓石粼粼煙霞變幻猿鹿裸出山間朝夕人境兩忘當不在天台岫嘍幔亭下矣故邑稱茲山最著焉烏可泯然無一志也或曰志非才諳名位兼有之人任之鮮不見嫉於山靈余乃輯名勝題詠別爲一集藏諸石洞中以俟博採君子時萬歷丁巳端午日

贈縣尉晴寰林君遷烏山巡宰敘

郭維翰

國家張官置吏以子惠元元如大匠之用材然鉅者充樑棟細者備榱桷以至竹頭木屑靡不各盡其所長而各適于用蓋銓選之精也三載大計則又拔其優僑者而晉陟之或循資或異等詔祿惟功敘功以勞抑何簡擢之不虛耶郡國大寮自監司牧守外惟令於民最親大者百里次方六七十里夫以百里與方六七十里之衆人人望澤于令令綦繁且重矣窮陬邃谷輟迹難遍則令詘于省方舟車雜還水陸交馳則令罷于酬應簿書山積錢穀蝟集則令紛于裁決不得不設尉以分理之吾未見尉之事非令事也奈何易視尉德化在萬山中土瘠而民淳事簡易治前後以令與尉來者多厭薄之會虎林俞公以名進士量移茲土喜與斯民休息日出坐堂皇簾靜琴清公事畢即肩輿出玩山水民欣欣然若登春臺未幾林君尉德化尤善體其意而贊其理凡俞公所欲爲林君代爲之也俞公所急欲爲林君先爲之也去歲入覲俞公以才優調海澄而江右徐公至林君之佐徐公猶其佐俞公也

德化縣志

卷十六

藝文序

二四

卽其有當於徐公猶其有當於俞公也今年春俞公徵入爲廷尉而林君遷烏山巡宰則朝廷用人之公而酬功之當巨細靡遺者也說者曰俞公之擢固異數哉然十載爲郎疑于淹矣林君宜于尉尉雖澹不猶愈于抱關乎何遽易此而就彼也予曰否否方今字內寧謐久卽有瑕釁疆圉爲先况通商譏厭禦暴察奸任匪細也且不聞鈞天之樂乎律呂相宣有時而停節又不見萬斛之蠶乎揚帆縱棹雖可以一日千里而不越程途緩急有序固非尋常所能測度耳林君瑞安名家子優于幹辦氣溫而度雅不類椽吏中人所至無不遇合其自烏山起歟蓋林君向嘗効力于哲初丁天部之門哲初公器賞之夫斐楷清通山濤識量雅俗所歸有自來矣推轂當無虛士子所謂林君以烏山起者此也

巖游紀咏序

郭維翰

蓋余庚子秋與友人黃道孝爲九仙之遊憩泉林三日亦三日清福而三日見道士身云因各留題以去紀未遑也嗣而山益闢勝蓋著聞巖花虬木競

獻其巧以媚遊人而騷人墨客探奇穴而捫幽洞者趾相錯顏左史公有詩名在海內所至匡廬點蒼天目之靈爭實一筆以待題咏謂九仙居里閭中不百里而近可無賡和以酬山靈耶于是孝廉李膺平實挾濟勝具與偕取道龍湖龍湖故名利景不能當九仙之半而二公已欣賞之題遍藤蘿月宜其至九仙而奚囊爲滿也膺平歸而次巖遊紀咏將付梓問序于余余嘗謂山有顯晦如人遇合五岳在都會之間故其名最著附青雲而登施後世者也彼僻壤榛莽之區豈然不覩名賢之足卽欲以其閎幽之勝爭比數于中原孰左袒之然蓬萊三名山皆海外夔絕人跡不到之處而古今詫爲神靈又何說也毋亦好誕之士託以信其謬悠恢詭之談抑有名相有眼界者世見也無名相無眼界者道見也道則玄同吾烏乎知泰山之加于毫末五嶽之抗于培塿又烏乎知匡廬點蒼天目之勝于九仙環堵而千里閉關而八極是之謂天游道孝曰辯矣子之論游也然以吾九仙而埒于匡廬點蒼天目也實左史公膺平之以也遂書之以付劄牘氏

德化縣志

卷十六

藝文序

二五

修城隍廟序

王寵受

邑城隍與令匹治令聽於明神視於晦又能以冥漠視聽贊令行徑直不問之事故朝廷邑一令卽廟一神令治處百里稱侯神爵司百里爲伯比於瀆嶽相視五等班次稱公稱侯稱子稱男之例故賢侯稱神言令與神合也龍溥廟宇昔因宋舊址而新之至紹定廟災復改于治東宣德歲遷返舊址至嘉靖初寢殿廊廡始完今寒燠久更漸就傾圮當草昧之初革陳鼎新予朔望告禱見兩廡傾欹司曹像墜乃捐俸新之夫丁亥兵燹闔城焦土惟此與關壯繆二廟巋然靈光亦可謂民敬賊畏矣昔制立廟如公署几座筆硯無不畢具儼與令同神顧不可畏耶有能釀金共煥新者敬神也亦愛吾令也夫

倡修學宮序

和鹽鼎

學宮之設其來舊矣自宋迄明代有修舉有清奠鼎首重師儒特遣官致祭先師勅諭天下春秋饗祀不忒蓋以敦崇文教也修廢舉墜則尤有司之責

矣丁未仲春叨命蒞德德爲泉屬夙號名邦所有學宮宜乎振飭予入晉謁
僅見聖殿巍然其餘門廡暨諸規制無一有宮垣圯傾鼓鐘俎豆之場變爲
牧垆愀然者久之能忍而不問乎有復于予曰昔也廟在城中後乃卜築于
此壯麗甲郡邑兵燹之後紳士竭蹶營構惜有志未逮也而予年來日事錢
穀不遑寧處今秋適自簾歸益塵創建之思雖簿書鞅掌物料工資維艱惟
茲紳士有志慷慨任事必無不可成之功今進士李公明經賴公暨諸庠士
合成其議原有前功留存之數而林學師捐金率先予不敏敬捐薄俸佐之
其可與慮始矣亦思所以垂成也夫慮始難圖終更難得原始要終能任其
事之人尤難且事匪一手足之烈惟望戮力同心矢公矢慎好義樂輸各隨
願力共成盛事使廟貌煥然改觀則予與諸君子庶可仰副朝廷崇儒之意
于萬一乎異日文運丕振事業有光又豈曰小補哉是不可不亟圖之

重建儒學公署序

和鹽鼎

朝廷因勝國之禮而損益之凡所以化民成俗之方興治設教之具一本乎

德化縣志

卷十六

藝文序

二六

前典而德意有加是故五經取士則聖道彰明黌序育才而廟貌煥然俎豆
春秋絃誦朝夕彬彬乎質有其文教化興於上而風俗成於下此唐虞三代
之治將可復見於今世者也而董率提命之功則師儒之職爲隆是故左右
陪侍有所進退周旋有地函丈著乎禮經而北面尊其瞻視以考古今以肄
禮樂而要期于淑其子弟則學齋公署之堂誠講明義理之地而尤風俗教
化之所從出也予承乏茲邑甫至謁廟見一殿僅成四顧瓦礫朔望造請先
生之廬則敝居民舍囂塵湫隘詢其故居知前朝有署聯在縣堂右近遺基
猶在而茂草荆榛莫之顧惜良用憫然第以廟貌尙有闕略未遑及也今修
治數年矣門廡已竣垣櫺粗立丁祭禮畢之後有諸生僉呈以復建學暑爲
請屈指兵燹之後則已廿七年予惻然曰教化不可一日墜絃誦不可一日
弛此風俗禮義之本而廢墜一若斯之久獨何哉然吾聞聖人之道與天地
日月同其悠久而時運有否塞亦如晦明薄食不能無及其更也則開霽昌
明昭回爽朗使人心思耳目倍爲豁然故聖道時小替則有大興此亦氣數

之常也况茲榱桷几席土木器用之具人力之所爲能保其無必廢但廢則復興興則溢美于前蓋亦存乎其人耳予讀縣志知龍溇有書舍丁溪有書院各鄉有社學當其時比戶誦聲詩書之澤藹如也此非賢令長之爲歟今其廢址遺基猶使過者低徊躊躇顧瞻而不能去况學齋公署絳帳之所施而朝廷德意之所先乎且予昔在諸生朝夕執經師長之側豈以一行作吏此事便廢視諸生之落落晨星而無所聚首忍乎哉興建之事固予之責也夫固予之責也夫抑詩有之曰經之營之經營云者籌度拮据一厥心力之謂也今先生旣毅然竭其俸修以首厥工而佐助必有人董役必有人獎勸必有人爾諸生毋曰吾安受其成豈繄諸生卽爾後生小子之有志與若耆舊碩德慷慨好義之民樂其子姓兄弟之薰陶於美俗也者皆可以有志於是舉矣仁人心也義人路也此仁義之門而人心之所同然也予也將聆絃歌之聲以自解於莞爾之笑矣

南郊憩亭序

李道泰

德化縣志

卷十六

藝文序

二七

距郭而南里許舊有亭臺倚樹浮屠插椒不特稍具游眺之美憩茆之陰而葱吹竹騎柳折梅逢多望陽館涼榭以爲至止自兵燹以來一炬無遺斷碑猶在明府和公德星初路車雨新田雖百廢未興而一望心動猶念時非三日費幾中人予笑而言曰此地乃歐柳白檜之思今日猶存者况溇水何幸穀絲不鬻新瘡痍有起色吾輩不可不釀金經營之使後人見蔽芾興歌也明府亦笑而許之

修鳴鳳龍津二橋序

陳應奎

佛家以橋梁居八福田之一而王政首務必使民無病涉者也邑治舊有四橋兵燹之後繼以陽侯爲災負郭居民晨星落落不能率彼故蹟而在南門者爲鳴鳳橋由永達郡孔道南北必經之地在西門爲龍津橋則西北一帶所歸往者也二橋均不可廢歷任賢牧隨時修治行道稱便夫一水之阻望若蓬瀛雖有方筏需時待濟呼吸緩急之間難登彼岸若長虹亘空往來如意不待濟而已無弗濟今夏溼水溪流漲急二橋波臣攫奪山潦時出略約

難施往來阻絕咫尺千里原任嚴父母簡翁惻然念之辛逢王二太公祖視
篆茲邑下車詢疾苦見民方病涉爰捐廉俸與嚴父母召某商度倡募以興
復之某以告同人及邑父老曰凡濟人者與求自濟者孰緩孰急今王公祖
之莅吾邑也未久德之欲留公祖以撫我民也以晷月計若嚴父母方掛冠
賦歸飄然事外信宿之藏且不及挽矣而謀濟我民也不啻其急於自濟吾
輩求自濟者也顧反緩之乎夫力雖不齊願不可嗇苟人人且勿作濟人想
只作自濟想曰吾非此弗濟則隨力所至哀寡爲多錙銖之與鈞鎰均之不
落虛空又何患二橋之難成若當道大人四方仁人君子憫衆之難濟見王
太公祖與嚴父母欲濟我德人之切且急也行且發大願力傾貲施捨吾知
天漢雖遙不須烏鵲而長江縱遠無藉鼉鼉也獨是橋云爾哉至若取材於
山程工于匠力役幾何資費幾何則必有父老諳練者出而董之將俾福田
之種預是事者皆有其應尤余之所瞻望矣

重募建雲龍橋序

知縣 金鼎錫

德化縣誌

卷十六

藝文序

二八

雲龍橋踞東郭之要津而德邑形勝之鎖鑰也傾圮歷有年所前令熊君謀
重建爾日紳士里民偕四方之樂善者欣然題捐功將半而熊適以事去後
六年來正署五易席皆弗煖罔暇經營工匠星散凡木石之購於山工力之
施於河者漸次盡矣歲戊申正月余調是邑都人士即以是爲請余與首事
諸君子往復商定并集核前所捐簿知聚腋可以成裘而諸君子秉公勸理
固無慮鉅工之難集也近奉明詔凡津梁孔道傾圮而不便於民者許所在
官司請詳締造余不敏倘違都人士請勿急與落成恐歷久而彌艱不獨上
負明詔將創始之熊君與首事諸君子暨樂輸之紳士里民一片利濟雅懷
不重於余有憾乎爰是召匠興工先橋墩次橋梁次橋宇時以漸而功必底
於成凡昔日捐題人士聞斯役也應亦欣然慨然與余有同志焉其有昔日
未捐今此欲同善舉者此固不可強而亦固所願也用以告

勸助故縣令梁公賻儀序

知州 劉 靖

聞之國僑之歿家不克葬國人哀之丈夫捐婦人投珠玉以賻之僑之仁而

潔也鄭民之義而善也千古無二焉余鄭人親其流風餘韻常以此意望天下今見故德化令晉陽梁公以南宮名士捧檄走萬里蒞任未匝月而歿笥乏一緡篋無纖纊乃郎孝廉君拮据以殮逾於僑矣顧流離德邸旅櫬無歸此非梁公之畏壘也誰效溱洧遺珉玉者余適牧永春德化爲屬邑抵任時梁公已捐館月餘矣未及一面而但聞其要離難返藐諸告飢及接其郎君雖能厲原涉王戎之節究難枵腹負骸煢煢莫訴悲夫余所爲愴懷倡首更望襄於本地之紳衿耆庶也憶余早歲曾攝德篆知士庶彬彬好善樂施今猶昔也則南陽之賻涼州之贈必不委諸異人任矣夫緘經叩門資以舉糧四十萬三喪淺土付以麥舟五百斛古今義概傳誦不衰今梁公首邱未遂遺孤飄零哀亡悼存諒必引手詩云凡民有喪匍匐救之而况本地父母官乎而况斯文共一氣乎遙知捐珉不讓古人資麥豈輸曩哲或斂浮靡之費可飽若敖或動聲氣之馨共襄資斧俾之輒返故土旅托行糧則義舉可風不辜余望余將偕德令尹岑君同過而崇獎焉倘謂烏巾欄櫛據地膝行縱

德化縣誌

卷十六

藝文序

二九

孝廉能如陳烈亦本地方之薄余亦內慙而閉閣思過矣知諸紳衿父老必不出此也爰濡筆而爲之引

圖南課藝序

知州 劉毓珍

連城之璧毓彩荆山夜光之珠潛輝鬱浦玉無翼而飛珠無脛而走揚聲乎章華之臺炫耀於羅綺之堂者蓋遇托有人而相得益彰也士君子通經學古挾聖賢之精蘊而發爲文章譬若美玉精金良工巧冶砥而鑄之而後知其爲吳鈎辨其爲和寶焉乙丑夏余奉命莅桃源稔知德化素稱才藪後因公抵其地邑長燮堂公出其圖南課士藝請序于余余閱其文有理極大醇氣極磅礴思沉鬱而詞藻采者知都人士之厚自砥礪而燮堂公之振興有方也夫鍾山之玉泗濱之石累圭璧不爲之盈採浮磬不爲之索德邑諸生通經學古者固難更僕數而質以文美實由華見惟燮堂公勤於勸課故瑤篇錦句觸目琳瑯亦惟彬彬向風望經品題者衆故賢父母樂得而鼓舞之也夫制義特士人之羔雁耳其潤身華國傳久行遠者又當進而求之余觀

德邑水秀山奇生其間者更深加淬礪將價重連城燭倍夜光以有體有用之學而相得益彰此燮堂公之所深願亦余之所厚望也夫

又

知縣魯鼎梅

天地有大文章焉怪怪奇奇一名狀環眺山川忽而雲吐忽而霧垂忽而浮青凝碧忽而披霞走練當前形色簇簇生新文心何莫不然德化稱人才淵藪余初拜篆課士圖南書院中閱其文光怪陸離知其有德有造者多也因董以宿儒月再課之獎其佳者比三年矣課者不久而弛作者愈因久而熟鞅掌之暇取新舊文哀而錄之得若干首有真者醇者大者超者古若彝鼎雅若仙珮淡若秋水英若春華簇簇生新與山水爭秀麗焉爰評而錄之蓋深善都人士之績學有得以庶幾不負余望也抑余又有進焉帖括末也經濟本也諸生於通經學古之餘進而求之身為體焉當有不止於是者錄版成爲弁數言以告之

重建教諭署勸捐序

魯鼎梅

德化縣志

卷十六

藝文序

三十一

生民之大經曰教曰養是故聖人慮逸居之無教而董之以師儒之職居之於庠序學校之地所關至鉅也然非其人則政不舉而事且弗具城闕佻達有由然矣德邑學博曾君銘三以鴻才碩彥英年受職甫至即申明先王之教慨然以造士爲己任邑人士靡靡然從之所居講舍不足以蔽風雨曾君念學校之地教所自出不容苟且方具牘請帑以肅冠裳之會而及門諸生謂請業請益之席未可遷延申請重煩案牘弟之於師古人皆有執贄之義願與諸同人釀金而理之或者曰不可吾師式化德邑且期月矣野處之秀聞風者喁喁嚮往則是舉也誰不願以束脩請誨豈其門外塵之歟諸生不能決請于余噫異哉生等之勇于義而曾君之化之有成也由前之說爲義之正由後之說爲見之大正大而天地之情可見矣序其語弁之于簿俾吾德邑之俊秀欲挾贄而來學於曾君者得與名焉將學校振飭而教化彰明養道於是乎有終矣則吾不知善在曾君也夫抑善在德邑也夫

響草序

李道泰

樵兒牧豎山深不厭磴絕無人箕松蹲石嘯歌自得上應吟猿下聞流水聲
發谷和如相唱醉豈必青謳雲遏郊彈鐵躍哉然楚然空音則匿聲罷響者
按拍徵調未免胡盧也余少好曼歌夏作冰語蚓竊蝓名筆墨不言受塵染
耳使有從旁耳目余者復掩口矣敢謂世盡空山哉夫半嶺鸞嘯巖下方聞
山水移情海上撫弄是編不可以方或手集囊攜杖履深山苔同顏厚洞可
身容芳樹葉下深澗花流開囊翻帙高呼疾唱飛鳥徘徊必無耳目余者當
令衆山皆響

剩園四草序

李道泰

凡吟家筆數語則必梨而布之劃數語則必敍而弁之弁之以敍則非縉紳
榮達者不傳不潔於面而華于冠人亦豔之予則不敢予既自序響草已與
梨仇而不敢華吾冠况此四草又歌哭之餘兎麋之剩必焚必投尙焉用序
世人歌吟欲以序存余歌吟欲使人見敍知不欲存不欲左而時于拭案未
火拾蹴未水復筆而成帙如垢面人常思握鏡人嗤吾醜吾亦自嗤吾醜鏡

德化縣誌

卷十六

藝文序

三一

內見吾醜鏡外亦知吾醜吾醜自知吾醜莫易吾醜必存使唾者嘔者噴者
罵者笑者厭者逐者掩面者擲檢者其動人奔走幾與果投車擁看殺想殺
等曰拈草如樵牧山行撚指皆是卯童坐鬪信手無嫌曰嗤草如石衛尉擣
粥雖欺王公僮僕知爲陳宿如厭人物見必叱咤曰訥草如村火頭強下轉
語口結舌僵曰塊草則聲淚之窮筆以代哭者此豈可存此豈可敍不可存
自不可敍雖敍亦不存此四草意也庚子秋中書於飲光堂燈次

塵松詩話敍

李 鼎

余小築濯纓溪上逍遙滄浪歌中環岸老松數二十八支離偃僂具漢代衣
冠鬚眉都非近今俗調其高與峯爭偃隨澗曲瘦比石堅幽畫潭影龍蛇競
擎煙霞固宅阿耨塵坳無從着脚焉余謂孤山人妻梅耶雪骨冰姿未免一
字之辱若媒芙蓉而姬香草又恐淹入鉛華隊中不無丈夫氣短余顧呼之
以叟親之爲朋似香山洛陽老老各別覺與子猷綠玉君同爭一日知見也
以故髯挽春鬢滌我毫素花飛曉露颺以茶煙秋濤在空乃咽落梅皓魄當

頭斯寫綠綺以至午照飾金坐隱消其寂峯嵐曳翠支頤澄其神此蓋匪朝
伊夕矣由是諷詠之餘錯綜簡冊首三百篇旁及稗官野史百家諸集觸緒
陶情斷章取義增刪分合以規圓矩方而詩以話顯話以詩傳擇可書掌股
可畫積日累帙遂成卷軸雖曰掇拾糟粕爲嶺雲自怡然意會所發未始不
較豐歉之玉穀如楞嚴二十五圓通隨其趣向各入悟門又如月印萬川不
因見少不因境多見地既超渣滓可化知擊竹破篋擔夫舞劍觀面當機芥
鍼自合就中一字一句有歷劫贊揚所不能盡者勿作囫圇吞棗依樣葫蘆
何容此篇尙踏陳跡夫曰節曰性爲能存天地之氣而爭日月之光也曰才
與題咏則毓河嶽之精英列商周之彝鼎者也曰曠逸與雅者泥軒冕而浣
胃塵曰評與譏者舉正變論中晚以寓美刺也紀與證云者乃窮源崑崙而
考謬亥豕贈與知與稱云者乃慰江雲梁月之思懷傾蓋倒屣之風耳若色
若情則是蘭蕙生芳鴛鴦譜牒若感若悼則問天哭世無限牢騷薤上棗下
曼聲清引矣至若仙釋鬼神亦函三爲一之旨屈伸晝夜之機乎癖者品其

德化縣志

卷十六

藝文序

三十一

異也狂者裁其歸也命者定其天也音者審其暖谷響山也句者圖其江楓
塘草也至由夢而悟則黃梁熟後幻同芭蕉形色俱泯得無礙智矣斯固一
變半斑自貽大嚼廣獵之譏倘推之芥納椰藏豈無過重耶爲分其區類亦
等蒼官之目供艾納于几席投輕釵於硯右將折枝豎義時使謾謾落簾並
垂聲韻於三萬六千場時有大白下物不滯枕中臥聽矣

半吟集序

鄭鳳超
莆田人

曰舞毛丈爲吾鄭館甥洞達淵塞實諸毛之白眉而世隱磨峯阻修二百餘
里無由握紱也壬子冬乃祖錦寰先生以嘯園稿命書始晤曰舞於仙邑兼
葭白水恍如一夜吹來天闕雲龍頓覺半朝有合豈其神仙縮地乎乃出其
半吟草就質獨挈冰孀屏開鑪鞫口中之珠屑能凝腕下之疥疔自泯讀其
隨徵旅思秋懷守歲諸作絕無躁進輕出之心秋園田家課豎種菁諸作別
有移茆深入之致夫山水怡情軒裳拘束故善惡真妄痛苦樂之事雖衾
帷鼯息中不免也獨於一二達人登高搔首內不見有其身外不見有其人

一嘯收之此禪學耳夫一嘯收之獨不可以半吟繼之乎昔譙先善笑爲隱逸之鬚眉而賈島敲推亦詩家之領袖嘯也吟也鼻祖耳孫聚沙成雨豈非於青藍世界現出百道毫光哉余臥遊已深勝具猶健何日攜雙不借上九座之蛇盤叩石牛之鬼谷撒手嵩山尋林子敬伯與曰舞共作三笑客也書此以俟

跋

明

戴雲山志跋

黃文炤

晉江人

吾儒動以自私自利歸之佛氏言釋子生涯則曰閉戶鄰鬪肥瘠秦越人也。是大不然佛自利利他兩念並發有時爲法爲人至割截肢體而不顧誰謂空門自私利者龍潯鱸灶雲屯山之童者幾半矣若戴雲靈區三十里旃檀六七邑龍脈蠢爾大駟敢覬擅殖尅日開鱸林泉失色圓朗師聞而憫焉括衣資糾徒子自同安駐錫此山奮螳臂以當車爲祖師留一圈山爲郡邑培

德化縣志

卷十六

藝文跋

三三

一脈龍葛藤三載締造艱難使師私利便己則一邱一壑一瓢一笠何處非渠袞袞地今鄉先生高師戒行標題咏者墨蹟淋漓師乃集而成戴雲山志是志出燕雀相賀山水生輝於以紹隆佛法未艾也余夙慕龍潯諸大祖師應化道場庚戌冬偕虛上人作支許遊自普濟歷太白巖覽龍湖九仙荇菜諸勝杖履幾遍所至林楚蔚然禽鳥親人一泓放生池鱗鯉游泳有鳥獸魚鼈咸若氣象蓋叔季而下助聖世茂對育物之仁者惟諸叢林仁者念此龍池鹿苑之恨庶其有瘳乎是在國王大姓護法人鯁生有抵賞贊歎而已用識法喜數言于簡末

清

圖南課藝跋

鄭惠琇

玉逢下而價重劍遇華而名彰士君子讀書養氣發光匿采隱隱躍躍非得宗工哲匠爲之裁成拂拭則太璞鈍置芒氣未騰終難底於成器以彪炳宇宙間也德邑水秀山明士生其間類皆厚自砥礪斬得表見歲癸亥燹堂魯

老夫子以江右名宿魁南宮下洩斯土批郤導窾切中機宜每公餘輒詣義學集諸生而課之理稟程朱法宗化治胎經孕史不詭時不泥古一以諭之雅正清真爲樞質焉嗣而捐俸更廣學舍堂宇兩傍增數十間俾生徒講習其中振興歌舞每月兩課手自丹黃捐俸獎勵邑人士彬彬向風爭奉文呈質冀經品題片言隻字如獲異珍是誠千載一時者也夫荆山之璞不沒於石豐城之劍不掩於塵邑人士得賢父母而師之滌染陶新黜澆返醇行見光芒之氣上燭九天連城之寶價增十倍矣琇瓊落無似朱墨莫辨幸濫東郭之竚於茲數載仰觀樂育親炙末光愧不能贊襄高深今夫子哀所課文擇其尤者授諸梓人竊喜諸士附驥而顯而琇亦得與青雲之榮施也於是贅言

先儒漳浦黃子獄中手書八分孝經跋

賴其瑛

此黃忠端公在刑部詔獄所書百二十本之一其瑛得之安溪李氏證以本傳文集及公年譜皆合乃寶而藏之公沒二百年好事者不惜重價購公書

德化縣志

卷十六

藝文跋

三四

而真蹟殊難得况孝經爲公一生學行之根柢此本爲患難中手蹟尤難得而可貴者耶經曰天子有爭臣七人雖無道不失天下又曰身體髮膚受之父母不敢毀傷方公之下獄九鞠四拷體無完膚可謂傷矣顧爲天子爭臣至不能保父母之遺體公屢書此經有深痛焉而思陵不悟指爲沽名嗚呼士大夫皆不愛其名而愛其身天下未有不亡者思陵不知爭臣以失天下而公卒以身殉矣豈不哀哉其瑛既悲公之遇而重公之節每一展卷如對嚴師焉雖然但以難得而寶之其何以求無媿於得是書哉謹按始末繫之別紙以俟觀者